

† Sier Polo Valaresso fo podestà a Bergamo, qu. sier Gabriel	92. 15
† Sier Nicolò Mocenigo fo proveditor al Sal, qu. sier Francesco	97. 44
Sier Lunardo Venier è di Pregadi, qu. sier Moisè	70. 71
109 † Sier Michiel Moroxini fo proveditor sora l'Armar, qu. sier Piero	81. 64
Sier Francesco Mocenigo el procurator, qu. sier Piero	36.105
† Sier Giacomo Bragadin fo al luogo di Procurator, qu. sier Daniel	97. 49
Sier Francesco da Leze è proveditor al Sal, qu. sier Alvise.	66. 81
Sier Daniel Moro fo consier, qu. sier Marin	69. 76
Sier Piero Valier è di la Zonta, qu. sier Antonio	78. 70

Fu posto, per li Consieri et Cai di XL: *Cum sit* che del 1478, a la creation de proveditori sora la Sanità, fo fatti i venissero in Pregadi, poi a di 9 de octubrio 1529 fu preso che i atendesse a l'officio, et poi compido i venisseno per uno anno in Pregadi, atento era peste in la terra; hora per la gratia de Dio la terra è sana, però sia preso; che li proveditori sora la Sanità presenti possino venir in Pregadi per uno anno, principiando al presente, et venendo peste, debbano ussir da Pregadi et atender a l'officio a far le provision, et cessada i torni in Pregadi a compir l'anno, *ut in parte*. Ave: 6 non sincere, 61 di no, 69 di la parte. *Iterum* balotata: 4 non sincere, 95 de no, 51 de sì. Et fu preso de no.

Fu posto, per li Savi del Conseio et Terra ferma: Fu posto in questo Conseio, che 'l retor de Ruigo non possi dispensar li danari de quela Camera se prima non satisfacesse l'imprestado de Gran Conseio a li stratioti, *unde* quel retor non vol pagar li salariadi del Polesine: però sia scritto al dito retor pagi li salari a tutti li retori è sul Polesine, *in reliquis* observi la parte. Ave: 6 non sincere, 7 di no, 106 di sì. Et fu presa.

Fu posto, per sier Andrea Mudazo, sier Polo Donado, sier Alvise Mocenigo el cavalier, et sier Lorenzo Bragadin, consieri, li Savi del Conseio, non era sier Nicolò Bernardo, sier Giacomo da Canal, sier Andrea da Molin, sier Marco Antonio Corner, savi a Terra ferma, sier Filippo Capelo proveditor sora i danari, sier Alexandro Foscari, sier Hironimo Malipiero, proveditori sora l'Armar, aten-

to el gran bisogno de danaro, che el trato de la palada de Chioza, del castelo de Piamonte, et de li campi, che fono deputati per parte presa in questo a la francation de Monti fino ducati 30 milia, siano deputadi la mità a l'officio di l'Armamento per armar et disarmar, et la mità per comprar biscoti et formenti. Et li campi siano venduti per le Raxon vechie, la palada et il castelo di Piamonte siano venduti per li Governadori di le intrade, et le vendede siano aprobate poi nel Collegio nostro. Et a l'incontro.

Fu posto, per sier Andrea Trivixan el cavalier, consier, sier Francesco di Prioli procurator, proveditori sora i Monti, *absente* sier Hironimo Justinian procurator suo collega, atento le ditte cose fono deputate a la francation de Monti, che si stagi sul preso.

Et andò in renga sier Francesco di Prioli procurator, et fè bona renga. Et li rispose sier Alexandro Foscari. Andò le parte: 8 non sincere, 2 di no, 61 de Consieri et altri nominadi, 79 de sier Andrea Trivixan el cavalier, et sier Francesco di Prioli procurator, proveditori sora i Monti, che si stagi sul preso. Et questa fu presa.

Fu posto, per i Savi ai ordeni, d'accordo, do galie al viazo de Baruto, a partir el capitano a di primo luio, habbi la muda. 109*

A di 6, la matina. Vene in Collegio l'orator de Milan per

Et li Consieri andono a Rialto a incantar le galie de Baruto, et trovano patroni. La prima galia ave (seconda) sier Hironimo Gradenigo qu. sier Ferigo per ducati 400 grossi 22; la seconda (prima) sier Francesco Contarini qu. sier Andrea, qu. sier Ambruoxo per ducati 500; sichè domenega se farà el capitano de ditte galie.

Vene prima in Colegio sier Polo Nani stato proveditor zeneral in campo anni do, vestito di veludo negro, et referite poco, perchè fo rimesso al Pregadi.

Da poi disnar, fo Conseio di X con la Zonta, et prima fo semplice, et feno vicecao in luogo di sier Zuan Francesco Morexini, è cazado con sier Sebastian Falier suo zerman, sier Hironimo Loredan.

Da poi con la Zonta fono sopra li creditori de doni de formenti, ai qual fo ubligà alcuni depositi del Sal che core al presente, et è stà tolto uno, per pagar lettere di cambio in Zorzi Griti fiol natural del Serenissimo, per el tributo ha pagato de là domino Alvise Griti suo fradelo. Et fo parlato assai et niente fatto.